

**BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO**



**БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА**

PRAVILNIK
o vrsti i dodjeli priznanja Centralne izborne komisije Bosne i Hercegovine

Sarajevo, decembar 2017. godine

Na osnovu člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/07, 33/09, 24/13 i 32/14), Centralna izborna komisija Bosne i Hercegovine je, na 62. sjednici, održanoj 21.12.2017. godine, d o n i j e l a

PRAVILNIK o vrsti i dodjeli priznanja Centralne izborne komisije Bosne i Hercegovine

POGLAVLJE I. UVODNE NAPOMENE

Član 1. (Primjena)

- (1) Ovim pravilnikom utvrđuje se vrsta, postupak dodjele i izgled priznanja Centralne izborne komisije Bosne i Hercegovine (u daljnjem tekstu: Centralna izborna komisija BiH).
- (2) Priznanja se mogu dodjeljivati subjektima:
 - a) zaposlenim u Sekretarijatu Centralne izborne komisije BiH,
 - b) izbornoj administraciji i
 - c) domaćim i stranim partnerskim organima, organizacijama i pojedincima.
- (3) Priznanja se ne mogu dodjeljivati političkim strankama i drugim političkim subjektima.

POGLAVLJE II. VRSTE PRIZNANJA

Član 2. (Vrste priznanja)

- (1) Priznanje može biti pojedinačno koje se dodjeljuje pojedincu i kolektivno koje se dodjeljuje pravnom subjektu kao cjelini ili njegovoj organizacionoj jedinici.
- (2) Priznanje iz stava (1) ovog člana se dodjeljuje u obliku zlatne, srebrene i bronzane plakete i zahvalnice.

POGLAVLJE III. KRITERIJI I POSTUPAK ZA DODJELU PRIZNANJA

Član 3. (Kriteriji)

- (1) Zlatna plaketa dodjeljuje se:
 - a) subjektima iz člana 1. stav (2) tačka a) ovog pravilnika za naročito zalaganje i postignute uspjehe u izvršavanju zadataka iz nadležnosti Centralne izborne komisije BiH,

- b) subjektima iz člana 1. stav (2) tačka b) ovog pravilnika za blagovremenost i tačnost dostavljenih rezultata glasanja odnosno preciznost popunjenih obrazaca,
- c) subjektima iz člana 1. stav (2) tačka b) ovog pravilnika za provođenje izbornih aktivnosti u skladu sa utvrđenim rokovima i
- d) subjektima iz člana 1. stav (2) tačka c) ovog pravilnika za poseban doprinos u unapređenju rada Centralne izborne komisije BiH.

(2) Srebrna plaketa dodjeljuje se:

- a) subjektima iz člana 1. stav (2) tačka a) ovog pravilnika za poseban doprinos u efikasnom obavljanju zadataka iz nadležnosti Centralne izborne komisije BiH,
- b) subjektima iz člana 1. stav (2) tačka b) ovog pravilnika za blagovremenost i uspješnost rješavanja prigovora,
- c) subjektima iz člana 1. stav (2) tačka b) ovog pravilnika za organizacione sposobnosti u rukovođenju i
- d) subjektima iz člana 1. stav (2) tačka c) ovog pravilnika za podršku aktivnostima Centralne izborne komisije BiH.

(3) Bronzana plaketa dodjeljuje se subjektima iz člana 1. stav (2) ovog pravilnika za:

- a) doprinos u unapređenju rada Centralne izborne komisije BiH i
- b) uspješnu saradnju.

(4) Prilikom utvrđivanja svakog od kriterija iz stava (1), (2) i (3) ovog člana uzet će se u obzir obim i složenost posla.

(5) Zahvalnica se dodjeljuje za pružanje tehničke pomoći u aktivnostima Centralne izborne komisije BiH na provođenju izbora.

Član 4. (Prijedlog za dodjelu)

(1) Članovi Centralne izborne komisije BiH predlažu subjekte za dodjelu priznanja, u pisanoj formi s obrazloženjem.

(2) Generalni sekretar Sekretarijata Centralne izborne komisije BiH (u daljnjem tekstu: generalni sekretar Sekretarijata) predlaže Centralnoj izbornoj komisiji BiH osnovne i unutrašnje organizacione jedinice Sekretarijata, rukovodioce ovih jedinica i zaposlene za dodjelu priznanja, u pisanoj formi s obrazloženjem.

(3) Inicijativu za dodjelu priznanja može pokrenuti: jedno ili više lica, udruženja građana i nevladine organizacije.

Član 5. (Lista za dodjelu)

(1) Na osnovu prijedloga iz člana 4. ovog pravilnika, sačinjava se lista prijedloga subjekata za dodjelu priznanja koja se dostavlja Centralnoj izbornoj komisiji BiH.

(2) Listu iz stava (1) ovog člana sačinjava generalni sekretar Sekretarijata.

Član 6.
(Odluka o dodjeli priznanja)

(1) Na osnovu liste iz člana 5. ovog pravilnika, Centralna izborna komisija BiH donosi odluku o dodjeli priznanja sa obrazloženjem koju potpisuje predsjednica/predsjednik Centralne izborne komisije BiH.

(2) Priznanja se uručuju na posebno organiziranoj svečanosti.

POGLAVLJE IV. OPIS I IZGLED PRIZNANJA

Član 7.
(Izgled zlatne plakete)

(1) Zlatna plaketa je izrađena na finom čvrstom žutom papiru sa podlogom zastave Bosne i Hercegovine formata A4 na kome se u gornjem dijelu nalazi logo Centralne izborne komisije BiH, na sredini velikim slovima ispisano je „ZLATNA PLAKETA“, a ispod velikim slovima ime i prezime odnosno naziv subjekta iz člana 1. stav (2) ovog pravilnika kojem se dodjeljuje plaketa. Zatim, ispisano je tekst kriterija iz člana 3. ovog pravilnika i ispod u donjem desnom uglu se nalazi potpis predsjednice/predsjednika Centralne izborne komisije BiH.

(2) Izgled zlatne plakete iz stava (1) ovog člana je prikazan na crtežu u prilogu 1, koji čini sastavni dio ovog pravilnika.

Član 8.
(Izgled srebrene plakete)

(1) Srebrene plaketa je izrađena na finom čvrstom sivom papiru sa podlogom zastave Bosne i Hercegovine formata A4 na kome se u gornjem dijelu nalazi logo Centralne izborne komisije BiH, na sredini velikim slovima ispisano je „SREBRENA PLAKETA“, a ispod velikim slovima ime i prezime odnosno naziv subjekta iz člana 1. stav (2) ovog pravilnika kojem se dodjeljuje plaketa. Zatim, ispisano je tekst kriterija iz člana 3. ovog pravilnika i ispod u donjem desnom uglu se nalazi potpis predsjednice/predsjednika Centralne izborne komisije BiH.

2) Izgled srebrene plakete iz stava (1) ovog člana je prikazan na crtežu u prilogu 2, koji čini sastavni dio ovog pravilnika.

Član 9.
(Izgled bronzane plakete)

(1) Bronzana plaketa je izrađena na finom čvrstom bronzanom papiru sa podlogom zastave Bosne i Hercegovine formata A4 na kome se u gornjem dijelu nalazi logo Centralne izborne komisije BiH, na sredini velikim slovima ispisano je „BRONZANA PLAKETA“, a ispod velikim slovima ime i prezime odnosno naziv subjekta iz člana 1. stav (2) ovog pravilnika kojem se dodjeljuje plaketa. Zatim, ispisano je tekst kriterija iz člana 3. ovog pravilnika i ispod u donjem desnom uglu se nalazi potpis predsjednice/predsjednika Centralne izborne komisije BiH.

(2) Izgled bronzane plakete iz stava (1) ovog člana je prikazan na crtežu u prilogu 3, koji čini sastavni dio ovog pravilnika.

Član 10.
(Izgled zahvalnice)

(1) Zahvalnica je izrađena na finom čvrstom bijelom papiru sa podlogom zastave Bosne i Hercegovine formata A4 na kome se u gornjem dijelu nalazi logo Centralne izborne komisije BiH, na sredini velikim slovima ispisano je „ZAHVALNICA“, a ispod velikim slovima ime i prezime odnosno naziv subjekta iz člana 1. stav (2) ovog pravilnika kojem se dodjeljuje zahvalnica. Zatim, ispisan je tekst o zahvalnosti koji sadrži tekst kriterija iz člana 3. stav (5) ovog pravilnika i ispod u donjem desnom uglu se nalazi potpis predsjednice/predsjednika Centralne izborne komisije BiH.

(2) Izgled zahvalnice iz stava (1) ovog člana je prikazan na crtežu u prilogu 4, koji čini sastavni dio ovog pravilnika.

POGLAVLJE V. ZAVRŠNE ODREDBE


Član 11.
(Prestanak primjene)

Stupanjem na snagu ovog pravilnika prestaje primjena Pravilnika o vrsti i dodjeli priznanja Centralne izborne komisije Bosne i Hercegovine („Službeni glasnik BiH“, br. 71/10 i 13/17).

Član 12.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenom glasniku BiH", a bit će objavljen u „Službenim novinama F BiH“, „Službenom glasniku RS“, „Službenim novinama Brčko distrikta BiH“ i na internet stranici Centralne izborne komisije BiH www.izbori.ba.

Broj: 05-1-02-2-1228-1/17
Sarajevo, 21.12.2017.godine



Predsjednica

Dr. Irena Hadžiabdić



Na osnovu člana 4. i 6. a u vezi člana 3. stav (1) Pravilnika o vrsti i dodjeli priznanja Centralne izborne komisije Bosne i Hercegovine („Službeni glasnik BiH“, broj ___/18) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/7, 33/9, 24/13 i 32/14), Centralna izborna komisija Bosne i Hercegovine je na ___ sjednici, održanoj _____, 20__ godine, donijela

ZLATNA PLAKETA

za naročito zalaganje i postignute uspjehe u izvršavanju zadataka iz nadležnosti Centralne izborne komisije BiH ili

za blagovremenost i tačnost dostavljenih rezultata glasanja odnosno preciznost popunjenih obrazaca i/ili za provođenje izbornih aktivnosti u skladu sa utvrđenim rokovima ili

za poseban doprinos u unapređenju rada Centralne izborne komisije BiH.

Broj: _____

Predsjednica/Predsjednik _____

Sarajevo, _____ 20__ godine



Prilog 2.

Na osnovu člana 4. i 6. a u vezi člana 3. stav (2) Pravilnika o vrsti i dodjeli priznanja Centralne izborne komisije Bosne i Hercegovine („Službeni glasnik BiH“, broj ___/18) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/7, 33/9, 24/13 i 32/14), Centralna izborna komisija Bosne i Hercegovine je na ___ sjednici, održanoj _____, 20___ godine, donijela

SREBRENA PLAKETA

za poseban doprinos u efikasnom obavljanju zadataka iz nadležnosti Centralne izborne komisije BiH ili

za blagovremenost i uspješnost rješavanja prigovora i/ili za organizacione sposobnosti u rukovođenju ili

za podršku aktivnostima Centralne izborne komisije BiH.

Broj: _____

Predsjednica/Predsjednik

Sarajevo, _____ 20___ godine



Prilog 3.

Na osnovu člana 4. i 6. a u vezi člana 3. stav (3) Pravilnika o vrsti i dodjeli priznanja Centralne izborne komisije Bosne i Hercegovine („Službeni glasnik BiH“, broj ___/18) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/7, 33/9, 24/13 i 32/14), Centralna izborna komisija Bosne i Hercegovine je na ___ sjednici, održanoj _____, 20__ godine, donijela

BRONZANA PLAKETA

za doprinos u unapređenju rada Centralne izborne komisije BiH i/ili uspješnu saradnju.

Broj: _____

Sarajevo, _____ 20__ godine

Predsjednica/Predsjednik



Prilog 4.

Na osnovu člana 4. i 6. a u vezi člana 3. stav (5) Pravilnika o vrsti i dodjeli priznanja Centralne izborne komisije Bosne i Hercegovine („Službeni glasnik BiH“, broj ___/18) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/7, 33/9, 24/13 i 32/14), Centralna izborna komisija Bosne i Hercegovine je na __. sjednici, održanoj _____, 20__ godine, donijela

ZAHVALNICA

Za pružanje tehničke pomoći u aktivnostima Centralne izborne komisije Bosne i Hercegovine na provođenju izbora.

Broj: _____

Sarajevo, _____ 20__ godine

Predsjednica/Predsjednik
